

Увс аймгийн иргэдийн төлөөлөгчдийн хурлын сонгуульд бие даан нэр дэвшигч Далай овогтой Бадамнямбуу-ын мөрийн хөтөлбөр

**НЭГ. ХҮН АМЫН НИЙГМИЙН ХАМГААЛЛЫГ САЙЖРУУЛАХ,
АМЬДРАЛЫН ЧАНАРЫГ ДЭЭШЛҮҮЛЭХ ЗОРИЛТ**

Хүн амын хөгжил, хөдөлмөр эрхлэлт, нийгмийн хамгааллын үйлчилгээгээр дамжуулан айл өрхийн амьжиргааг дэмжих, ядуурлыг бууруулахад чиглэсэн бодлогыг хэрэгжүүлнэ.

- 1.1 Сумын хүн амын амьжиргааны төвшингийн судалгааг шинэчлэн гаргаж ядуурлын шалтгаанд дүгнэлт хийн, ядуурлыг бууруулах, арилгахад чиглэсэн, бодлогыг авч хэрэгжүүлнэ.
- 1.2 Ажилгүйдэл ядуурлыг бууруулах зорилтын хүрээнд ажил идэвхтэй эрж буй иргэдийн судалгааг гаргаж иргэдийг мэргэжлийн сургалтанд хамруулахад анхаарч олон нийтийг хамарсан ажилд татан оролцуулах, боломжийг бий болгоно.

**ХОЁР. БОЛОВСРОЛ, СОЁЛ УРЛАГ, СПОРТЫН
ТАЛААР ХЭРЭГЖҮҮЛЭХ ЗОРИЛТ**

Боловсролын салбарын шинэчлэлийг гүнзгийрүүлэн сургалтын чанар хүртээмжийг дээшлүүлэхийн тулд багш нарын мэргэжлийн ёс зүйн хэм хэмжээг чанд мөрдүүлэн тэдний мэдлэг чадвар үлгэр дуурайлыг нэмэгдүүлж хүүхдэд ээлтэй ая тухтай сургалт хүмүүжлийн орчинг бүрдүүлнэ.

- 2.1 Математик болон байгалийн ухааны чиглэлээр хот аймаг, бүсийн улсын олимпиадад амжилт гаргасан сумынхаа авъяслаг сурагчдад дэмжлэг тусалцаа үзүүлэх журмыг аймгийн иргэдийн төлөөлөгчдийн хурлаар батлуулж ажиллана.
- 2.2 Сургууль цэцэрлэгийн сургалтын орчныг сайжруулах зорилгоор төсвийн болон олон улсын төсөл хөтөлбөрүүдийн эх үүсвэрийг ашиглан сургалтын хэрэглэгдэхүүн тоног төхөөрөмж, тоглоом наадгайн хангалтыг нэмэгдүүлэх талаар санаачлан ажиллана.
- 2.3 Үдийн хоол хөтөлбөрийг цаг тухайд нь чанартай хэрэгжүүлж байгаад хяналт тавина.
- 2.4 Соёл урлагийн байгууллагуудын үйл ажиллагааг хэвийн явуулах орчин нөхцөлийг бүрдүүлэх, соёлын үйлчилгээний хүртээмж чанарыг сайжруулах, ард түмний оюуны өв сан, түүх соёлын дурсгалт зүйлсийг хамгаалах, сэргээн засварлах, ардын уламжлалт урлаг, зан үйлийг сурталчилна өвлүүлэх зорилтыг хэрэгжүүлнэ.

**ГУРАВ. ХҮН АМЫН ЭРҮҮЛ МЭНДИЙГ ХАМГААЛАХ, ЭРҮҮЛ МЭНДИЙН
САЛБАРЫН ЧИГЛЭЛЭЭР ХЭРЭГЖҮҮЛЭХ ЗОРИЛТ**

Эмнэлгийн тусламж үйлчилгээний хүртээмж, чанарыг дээшлүүлэхэд чиглэсэн оновчтой тогтолцоог бүрдүүлж, эрүүл мэндийн байгууллагуудын материаллага баазыг бэхжүүлж үйл ажиллагааны чадамжийг дээшлүүлнэ.

- 3.1 Эмнэлэгийн тусламж үйлчилгээний чанар хүртээмжийг сайжруулан эх нялхсын эндэгдлийг улсын дундаж түвшингээс бууруулахад чиглэсэн зохион байгуулалтын цогц арга хэмжээг авч ажиллана.
- 3.2 Эрүүл мэндийн салбарын эм хангамж, хүний нөөцийн талаар орон нутгийн онцлогт тохирсон бодлого хэрэгжүүлж ажиллана.

3.3 Амьжиргааны баталгаажих түвшингээс доогуур орлоготой эмзэг бүлгийн хүн амыг нарийн мэргэжлийн эмчийн үзлэг, оношлогоонд хамруулах талаар зохион байгуулалттай арга хэмжээ авах саналыг аймгийн ИТХ-д оруулна.

3.4 Сумынхаа хөгжлийг дэмжих хөтөлбөрийг хэрэгжүүлэх ажлын хүрээнд багийн эмчийн унаа, хөдөлмөр хамгаалалтын хувцас, эм хангамжийн багаж хэрэгслээр хангах ажлыг үе шаттайгаар шийдвэрлэнэ.

ДӨРӨВ. ТӨРИЙН БАЙГУУЛЛАГЫН ҮЙЛ АЖИЛЛАГААГ САЙЖРУУЛАХ ЗОРИЛТ

Иргэдэд ойр, тэдний хэрэгцээг хангахад чиглэсэн уян хатан зохицож чаддаг, идэвхтэй, санаачлагатай, цомхон, чадварлаг, эцсийн үр дүнг эрхэмлэн дээдэлсэн төрийн албыг төлөвшүүлнэ.

4.1 Төрийн бүх шатны байгууллага төрийн албан хаагчдын хариуцлагыг өндөрлүүлж хууль тогтоомжийг гажуудуулсан хөшүүн хойрго хандсан аливаа илрэлийг таслан зогсоож тухай бүрд нь хариуцлага тооцдог ажлыг шат шатанд нь хэрэгжүүлдэг болоход онцгой анхаарна.

4.2 Аймагт хэрэгжиж байгаа болон хэрэгжих төсөл хөтөлбөр тендер шалгаруулалтыг ил тод нээлттэй байлгаж хяналт тавих үйл ажиллагаанд нь иргэний нийгмийн байгууллагуудаас оролцуулж ажиллана.

4.3 Төрийн архивын үйл ажиллагаанд мэдээллийн технологи нэвтрүүлэх архивын тоо бүртгэл эрэлт хайлтын үйл ажиллагааг боловсронгуй болгох баримтын хадгалалт хамгаалалтыг сайжруулахад шаардлагатай техник тоног төхөөрөмжөөр хангах асуудлыг шийдвэрлүүлнэ.

4.4 Манай аймагтай хил залгаа орших ОХУ-н Туватай тогтоосон харилцаа холбоог улам бататган хөгжүүлж бүтээн байгуулалт соёл боловсрол спорт урлагийн чиглэлээр идэвхтэй хамтран ажиллана.

ТАВ. ДЭД БҮТЭЦ, ҮЙЛДВЭРЛЭЛИЙГ ХӨГЖҮҮЛЭХ ЭДИЙН ЗАСГИЙН ӨСӨЛТИЙГ ХАНГАХ ЗОРИЛТ

Хөгжлийн хүрсэн түвшинг бататган дэд бүтэц үйлдвэрлэлийг хөгжүүлэх замаар эдийн засгийн бүтцийг сайжруулж өсөлтийг хангана.

5.1 Сумын гэр хорооллын дэд бүтцийг сайжруулах , гэр хорооллын доторх зам, усны голдирол, гэрэлтүүлэг зэрэг дэд бүтцийн асуудлыг онцгой анхаарч ажиллана

5.2 Аялал жуулчлалын бүсийн дэд бүтцийг сайжруулж, аялал жуулчлалын бүс болгон хөгжүүлэхэд анхаарч ажиллана.

5.3 Сум хоорондын зорчигч тээвэр шуудангийн үйлчилгээний чанар хүртээмжийг сайжруулж сумдын зорчигч хүргэлт, шуудан, хэвлэл хүргэлтийн давтамжийг долоо хоногт 2-с доошгүй болгоно.

5.4 Дотоодын нийт бүтээгдэхүүнийг тооцож аймгийн хөгжлийн хурдацийг тодорхойлон улсын дунджаас бууруулахгүй байх бодлого хэрэгжүүлж ажиллана.

5.5 Эдийн засгийн бүтцийг сайжруулах дотоодын нийт бүтээгдэхүүнд аж үйлдвэр, үйлчилгээний салбарыг эзлэх хувийн жинг нэмэгдүүлнэ.

5.6 Ашигт малтмалын боловсруулалтын түвшинг шат дараатай ахиулж, нэмүү өртөг шингэсэн бүтээгдэхүүний экспортыг нэмэгдүүлнэ.

5.7 Аймгийн 2020-2032 онд хөгжүүлэх урт хугацааны цогц бодлого боловсруулж аймгийн ИТХ-р хэлэлцүүлэн батлуулж мөрдөж ажиллана.

ЗУРГАА. ХҮНС, ХӨДӨӨ АЖ АХУЙ, БАЙГАЛЬ ОРЧНЫ ХӨГЖЛИЙГ ХАНГАХ ЗОРИЛТ

МАН-н үйлдвэрлэлд чанарын ахиц гаргаж, хүн ардаа экологийн цэвэр бүтээгдэхүүнээр бүрэн хангахад дэвшил гаргаж байгаль орчин хүний эрүүл мэндэд халтай технологийн үйл ажиллагаатай тууштай тэмцэнэ.

6.1 Эрчимжсэн болон хагас эрчимжсэн фермерийн загвар аж ахуйг шинээр байгуулах үүсгэл санаачлагыг дэмжиж, сүүний чиглэлийн Симменталь, Хар тарлан үүлдрийн үнээ бүхий загвар аж ахуй байгуулан ажиллах компанийн үйл ажиллагааг дэмжиж ажиллана.

6.2 Арвин ашиг шимт нутгийн шилдэг омог болон цэвэр, эрлийз малын тоог нэмэгдүүлэх зорилгоор цөм сүрэг бүхий өрх айл, аж ахуйн нэгж байгууллагыг сум болгонд бий болгоход онцгойлон анхаарч, дэмжиж ажиллана.

6.3 Алтны бага нөөцтэй шороон орд болон усны хагалбар, голын ай сав газар, ойн сан, байгалийн онцгой тогтоц бүхий газрууд, түүний хамгаалалтын бүсэд ашигт малтмал хайх, олборлохыг хориглох, байгаль орчин, хүний эрүүл мэндэд халтай арга технологиор уул уурхайн үйлдвэрлэл явуулахыг бүрэн зогсоох хөтөлбөр боловсруулна.